

## **Bangala - Kobondela Njembo - Praying WP Psalms 2017**

**Njembo 68:1(1,2) Nkolo Mokonzi ya batu nyoso. Mpo na mokambi ya njembo. Loyembo ya Davidi. (2) Nzambe amimonisi, banguna na ye bapanzani; batu oyo bayinaka ye, bazali kokima ye.**

**Njembo 5:9,10(10,11) Bango balobaka ntango nyoso lokuta; bazalaka kaka na mposa ya kosala mabe. Bazali na maloba ya kitoko na monoko; kingo na bango ezali lokola libulu ya lilita oyo bazipi te. 10(11) O Nzambe, pesa bango etumbu; mabe na bango ekweisa bango moko. Bengana bango mpo na mabe nyoso oyo basali; mpamba te bazali kotomboka na yo.**

**Njembo 7:1(1-3) Loyembo ya Davidi ntango azalaki kobondela Nkolo na ntina ya Kusa, motu ya motinda ya Bejame. (2) Nkolo, Nzambe na ngai, nazali koluka kobombana epai na yo; bikisa ngai mpe longola ngai na maboko ya batu oyo banyokolaka ngai. 2(3) Bazali lokola bantambo, balingi kopasola ngai; nani akoya kobikisa ngai?**

**Njembo 11:6 Asopelaka batu mabe makala ya moto mpe baruti lokola mbula; yango nde etumbu oyo ezali kozela bango.**

**Njembo 18:2(3) Nkolo azali esika makasi oyo nakimelaka mpo nabombana; azali libanga oyo ebatelaka ngai. Azali Nzambe na ngai mpe Mobikisi na ngai; azali ebuneli oyo elongisaka ngai.**

**Njembo 18:14(15) Abwakaki bambanzi na ye bipai nyoso; apanzaki bamoto ya nkake bipai na bipai.**

**Njembo 18:17(18) Alongoli ngai na maboko ya banguna na ngai, ya batu makasi oyo balingaki kolonga ngai.**

**Njembo 18:39(40) Opesaka ngai makasi ya kobunda; mpe okweisaka batu oyo bayeelaka ngai etumba.**

**Njembo 18:45(46) na kolenga nyoso bazali kobima na bisika makasi oyo babombanaki na yango.**

**Njembo 18:48(49) mpe abikisi ngai na ntango ya bitumba. Nkolo, olongoli ngai na maboko ya batu ya mobulu; olongisi ngai ntango banguna bayaki kobundisa ngai.**

**Njembo 23:3 Apesaka ngai nguya, Atambwisaka ngai na banzela ya malam, mpo na nkombo na ye.**

**Njembo 27:11 Nkolo, lakisa ngai nzela na yo; mema ngai na nzela ya malam. Na ntina ya banguna na ngai;**

**Njembo 31:15(16) Bomo na ngai mobimba ezali na maboko na yo; kotika banguna na ngai banyokola ngai te.**

**Njembo 34:4(5) Nabondelaki Nkolo, mpe ye ayanoli ngai; alongoli ngai kobanga nyoso.**

**Njembo 34:7(8) Anzeli ya Nkolo azalaka penepene ya batu oyo batosaka Nkolo; mpe abikisaka bango.**

**Njembo 34:13(14) azala na maloba mabe te mpe atika lokuta.**

**Njembo 34:17-19(18-20) Nkolo ayokaka kolela ya batu sembo; alongolaka bango bampasi nyoso. 18(19) Nkolo azalaka penepene ya batu oyo mitema na bango elembi; mpe abikisaka baoyo bazali lisusu na elikia te. 19(20) Batu ya malamu bamonaka mpasi mingi; kasi mbala nyoso Nkolo abikisaka bango.**

**Njembo 35:1-8 Loyembo ya Davidi. O Nkolo, batela ngai na maboko na batu oyo bazali kosungola ngai; bundisa baoyo bazali kobundisa ngai. 2 Kamata nguba mpe koti na yo ya etumba; mpe yaka kosalisa ngai. 3 Tombola likonga mpe ebende mpo na kobundisa bango; mpe loba na ngai: "Ngai nde nakobikisa yo." 4 Baoyo bazali koluka koboma ngai, bayoka nsoni mpe babunga. Baoyo bazali kokanisa kosala ngai mabe, bazonga nsima mpe basuka. 5 Ntango Anzeli ya Nkolo akobengana bango, bazala lokola matiti oyo ekendeke na mopepe. 6 Ntango Anzeli ya Nkolo akobengana bango, nzela na bango ekuma molili mpe moselu. 7 Batieli ngai moteko, ata bazwi ngai na likambo te; batimoli libulu mpo nakweya na kati. 8 Mabe ezwa bango na mbala moko, bakangama na moteko oyo bango mpenza batiaki; bakweya na libulu oyo bango mpenza batimolaki.**

**Njembo 35:10 Na motema moko nakoloba: "Nkolo, nani akokani na yo? Olongolaka motu ya mawa na maboko ya banguna oyo baleki ye na makasi, mpe mosikini na maboko ya baoyo babotolaka biloko na ye."**

**Njembo 36:7-9(8-10) O Nzambe bolamu na yo ezali na ntina mpenza; batu balukaka kobombana na nse ya mapapu na yo. 8(9) Otondisaka bango na mosolo ya ndako na yo; osopelaka bango bolamu na yo lokola mai ya kome-la. 9(10) Bomo ebimaka epai na yo; mwinda na yo nde engengisaka biso.**

**Njembo 37:5 Pesa makambo na yo nyoso na Nkolo; tia bomoi na yo epai na ye, bongo akosalisa yo.**

**Njembo 37:23,24 Soki ezaleli ya motu esepelisi Nkolo, ye akobatela bomoi na ye mobimba; 24 Ata soki akwei, akoumela na mabele te: mpamba te Nkolo asimbi ye na loboko.**

**Njembo 37:40 Abatelaka bango, alongolaka bango na maboko ya batu ya mabe mpo bango balukaka kobombana epai na ye.**

**Njembo 39:1(1,2) Mpo na mokambi ya njembo. Mpo na Yedutuna. Loyembo ya Davidi. (2) Nalobaki: nakomibatela mpo nabimisa maloba mabe te; soki nakutani na motu mabe, nakokanga kaka monoko.**

**Njembo 41:4(5) Ngai nazalaki koloba: "O Nkolo, yokela ngai ngolu; bikisa ngai mpo nasali mabe epai na yo."**

**Njembo 42:5(6),11(12) Mpo na nini nayoka mawa mpe nalela? Ebongi natia motema kaka epai na Nzambe. Ya solo, nakokumisa ye lisusu; ye azali Nzambe na ngai mpe Mobikisi na ngai. 11(12) Mpo na nini nayoka mawa mpe nalela? Ebongi natia motema kaka epai na Nzambe. Ya solo, nakokumisa ye lisusu; ye azali Nzambe na ngai mpe Mobikisi na ngai.(Njembo43:5)**

**Njembo 43:1** Nzambe, kata likambo na ngai, longisa ngai na maboko ya batu oyo bazangi bosembo. Longola ngai na maboko ya batu ya lokuta mpe ya mabe.

**Njembo 44:4(5)** Yo, Nzambe, ozali Mokonzi na ngai; ezali yo nde ozali kolongisa Yakobo.

**Njembo 51:4(6)** Nasali masumu epai na yo, kaka epai na yo moko; namemi ngwanga na miso na yo. Makambo yo olobaka, elakisaka ete ozali sembo; ntango nyoso okataka makambo na ndenge ekoki.

**Njembo 52:5(7)** Nzambe ye moko akoboma yo libela; akobengana yo mpe akolongola yo na mokili ya batu ya bomoi.

**Njembo 54:7(9)** Mpamba te olongoli ngai na bampasi nyoso; nazali komona ndenge banguna na ngai bakwei.

**Njembo 55:18(19)** Abateli ngai, alongoli ngai na maboko ya banguna, ata lokola bango bazalaki ebele.

**Njembo 59:2(3)** Longola ngai na maboko ya batu ya mabe; bikisa ngai na maboko ya baoyo balingaka koboma batu.

**Njembo 60:12(14)** Tokolonga na lisalisi ya Nzambe! ye nde akonyata banguna na biso.

**Njembo 63:11(12)** Boye mokonzi akosepela na Nzambe, esengo na motu oyo akataka silika bobele na nkombo na ye, mpamba te okokangisa monoko ya batu ya lokuta.

**Njembo 66:3** Boloba na Nzambe: "Misala na yo ezali ya kokamwa! banguna na yo bakumi kobanga nguya na yo ya monene.

**Njembo 68:6(7)** Ye nde apesaka libota mpo na batu batikali bango moko, alongolaka batu na boumbu mpe apesaka bango bolamu; kasi afandisaka banguna na ye na mboka ezangi mai.

**Njembo 68:35(36)** Nzambe, obangisaka uta na esika ofandaka; yo Nzambe ya Israele nde opesaka batu na yo makasi mpe nguya. Mersi na yo Nzambe!

**Njembo 70:1(1,2)** Mpo na mokambi ya njembo. Loyembo ya Davidi. Mpo na ekaniseli. (2) O Nzambe, bikisa ngai; Nkolo, yaka noki kosalisa ngai.

**Njembo 71:4,13** Nzambe na ngai, longola ngai na maboko ya batu mabe, ya baoyo bakosaka mpe banyokolaka batu. 13 Baoyo bazali koluka ngai nayoka mpasi, bakweya mpe basila libela! Baoyo bazali koluka kobebisa bomoi na ngai, bakufa na nsoni mpe babunga!

**Njembo 72:12** Mokonzi akobikisa batu ya mawa oyo bazali kobenga ye; mpe bamosikini oyo bazangi motu ya kosalisa bango.

**Njembo 76:12(13)** Nkolo asilisaka lolendo ya batu minene; abangisaka bakonzi ya mokili.

**Njembo 79:9** Nzambe, Mobikisi na biso, salisa biso mpo na lokumu ya nkombo na yo. Longola biso na boumbu mpe limbisa mabe na biso mpo tokoka kokumisa yo.

**Njembo 86:17** Nkolo, lakisa ngai bolingo na yo, banguna na ngai bayoka nsoni

ntango bakomona ete obikisi ngai mpe okitisi motema na ngai.

**Njembo 91:14,15** Nkolo alobi: "Nakobikisa motu oyo alandaka ngai; nakobate-la motu oyo andimaka ngai. 15 Soki abengi ngai nakondimela ye; nakozala na ye na ntango ya mawa. Nakosalisa ye, nakokumisa ye motu ya lokumu;

**Njembo 92:11(12)** Nakumi komona ndenge banguna na ngai bazali kokweya; nakumi koyoka ndenge batu mabe bazali kolela.

**Njembo 103:10** Apesaki biso etumbu te ndenge ekoki na masumu na biso; mpe azongiselaki biso mabe te ndenge ekoki na mabe na biso.

**Njembo 104:9** Otiaki ndelo oyo yango ekokoka koleka te, mpo eya lisusu kozindisa mokili te.

**Njembo 107:6** Bongo na mpasi na bango babengaki Nkolo, mpe ye alongoli bango na mpasi na bango.

**Njembo 118:10** Batu ya bikolo nyoso bayaki kobundisa ngai; kasi na nkombo ya Nkolo, napanzi bango.

**Njembo 118:12** Batiaki ngai na kati na bango lokola liboke ya nzoi, kasi basili mbala moko lokola moto ya sobe; na nkombo ya Nkolo, napanzi bango.

**Njembo 121:7,8** Nkolo akobatela yo na mabe nyoso; akobatela bomoi na yo. 8 Nkolo akobatela kobima na yo, mpe kokota na yo banda sik'oyo kino seko.

**Njembo 138:3** Mokolo nabengaki yo, ondimelaki ngai, ozongiselaki ngai makasi mpe mpiko.

**Njembo 140:1 (1,2)** Mpo na mokambi ya njembo. Loyembo ya Davidi. (2) Nkolo, longola ngai na maboko ya batu mabe; batela ngai na maboko ya batu ya mobulu.

**Njembo 140:4-6(5-7)** Nkolo, longola ngai na maboko na bango; batela ngai na maboko ya batu ya mobulu. Ntango nyoso balukaka kokweisa ngai; 5(6) batu ya lolendo batieli ngai moteko. Bati basinga mpe nkamba; balukaka kokanga ngai na nzela. 6(7) Tia matoi na kolela na ngai; mpamba te makasi na ngai nyoso esili. Longola ngai na maboko ya banguna na ngai, mpo bango baleki ngai na makasi.

**Njembo 143:9** Nkolo, nalukaka kobombana epai na yo; longola ngai na maboko ya banguna na ngai.

**Njembo 147:14** Atiaka kimia na mboka na yo mobimba; atondisaka yo na ngano ya kitoko.

**Njembo 149:6-9** Bakumisa Nzambe na mingongo makasi; mpe basimba mopanga ya mino mibale na maboko. 7 Bapesa bikolo etumbu; bazongisela bango mabe oyo basalaki. 8 Bakanga bakonzi na bango na minyololo; batia batu minene na bango basinga ya bibende. 9 Bakatela bango etumbu ndenge ekomami; boye batu na ye nyoso bakozwa lokumu. Aleluya!